


十七



世家卷第二十

高麗史二十

正憲大夫工曹判書集賢殿大提學知 經筵春秋館事兼成均大司成 鄭麟趾  
奉教修

明宗二

己巳九年春正月庚申朔放朝賀 甲子遣郎中李俊材

如金進方物將軍孫碩賀萬春節 壬子燃燈王如

奉恩寺 丙子金遣大府大將軍少府監左光慶來

賀生辰 戊寅宴金使 二月辛卯西賊復起 壬

辰門下侍郎平章事奇卓成卒 戊午王如靈通寺

三月己未朔始修宮闕 辛酉親醮于內殿 戊

寅慮囚 夏四月己丑朔千齡殿成 壬辰隕霜殺



草 庚戌西北面知兵馬事李富惠西賊遺種乘間  
復起思欲盡誅之聞其乏食為公牒紹諸賊屯曰以  
某日受糧于所在某城仍密誘諸城曰若賊來入城  
宜閉門悉誅之於是承牒捕誅者凡五城龜州所殺  
至三百餘人嘉州人引賊百餘人入倉鎖門賊脫出  
無計洵踊曰不意官家見紹如此吾寧自絕豈可見  
制於人手乃鑽燧燒倉自焚而死穀米無慮十萬斛  
盡為煨燼獨牛方田等賊帥覺之復嘯聚為賊兵馬  
使奏發諸城兵擊之官軍失利安北都護判官咸壽  
山戰死於是復濟師屢戰乃滅之 癸丑幸外帝釋  
院 丙辰幸普濟寺 五月甲子同知樞密院事于

學儒卒

丙寅以閔令謨同中書侍郎平章事判吏

部事宋有仁同中書侍郎平章事判兵部事以左丞

宣知兵部事鄭筠改為知都省事 甲戌守司空左

僕射洪仲芳卒 丁亥停修宮闕 六月戊子朔王

如奉恩寺 辛卯參知政事陳俊卒 壬寅王受菩

薩戒于明仁殿 己酉慮囚 秋七月己未左遷樞

密院使文克謙為尚書左僕射樞密院副使韓文俊

判司宰寺事 甲戌太白經天六日 庚辰以蘆信

若為吏部尚書 壬午設仁王道場于明仁殿十餘

日以禳災變 九月庚申幸玉輪寺 辛未將軍慶

大升誅鄭仲夫宋有仁 甲申金牒告閔宗皇帝廟

諱重字及同音字並令回避 冬十一月戊午地震

己未宣旨二罪以下除刑付處慶大升累起大獄

用刑深峻王惻然故有是命中外皆悅 辛酉設百

座會于開國寺是年兵刃數起國家患之術僧致純

奏曰舊制三年一設百座會前年十月雖已行之今

宜別例復行以禳其災從之 丁卯設八關會幸法

王寺 丁丑設消災道場於明仁殿五日 十二月

辛卯地震 戊申以宋訔為衛尉卿右諫議大夫

壬子重房聞妖言歲杪有變大懼使禁軍露刃環衛

其近侍闈宦逃匿者過半 丁卯燈燃王如奉恩

庚子十年春正月甲寅朔放朝賀 丁卯燈燃王如奉恩

寺 庚午金遣少府監盧瑛來賀生辰 乙亥宴金

使 二月壬辰始營宮闕 壬子王如靈通寺 三

月庚午幸王輪寺 夏五月己巳幸外帝釋院 六

月壬午王如奉恩寺 丁亥賜李得玉等及第 甲

午金橫宣使少府監郭喜國等來 壬寅宴金使

己酉設法華會於崇教寺 庚戌內嬖明春死王哀

戀不已失聲號哭太后驚駭寬譬之曰雖是情鍾然

不可使聞於重房也然猶嗚咽不能止遂親製悼亡

詩令宗親和進以自慰王天資孱弱加以屢更變故

動輒驚懼凡軍國機務皆宰制武臣至如聲色猶不

敢自尊及賊臣誅夷始得溺愛林第內嬖專房者五

人尤寵幸者唯純珠明春二人自去年冬純珠死明  
春又亡後宮無可悅意者乃命召二公主入內令掌  
服御諸務俾朝夕不離於側間或同榻共寢眷念有  
不可道者其壻令公累月曠居不勝憤恚遂欲絕婚  
王聞之乃召令公俾居壽昌宮東太后行宮日令公  
主微服往見慰籍之至十一月還公主于私第王又  
召集純珠明春及諸嬖所生兒女數十于宮內皆衣  
班爛載以鳩車嬉戲內庭啼呼喧鬧不類宮禁故武  
臣等悉皆腹誹或有偶語咨嗟者王懲艾教宗不孝  
悌故自即位以來至誠事太后敦睦宗戚 秋七月  
丁丑叅知政事李紹膺死 八月庚寅減死罪二十

餘人配有入島

丙申移安太祖靖宗神御于大安

寺 戊戌設消災道場于明仁殿

九月癸丑放

還二罪以下流竄者

辛酉設消災道場于大觀殿

以禳天變

冬十月辛巳賜將軍慶大升犀紅鞋一

腰馬一匹

甲午幸普濟寺 己亥設佛頂道場於

明仁殿

庚子王如奉恩寺以重修落成也 十一

月壬子重修康安殿成其門額舊曰嚮福以門近接  
重房東隅故武臣等議以為嚮福與降伏聲相近蓋  
文臣欲以此禳壓武官而降伏之也奏請改其額命  
平章事閔令謨改曰永禧武臣等復以為文臣之意  
不可惻安知永禧別有深意耶禧者福也永字之意

吉凶未可知也重字本房之稱請改為重禧王從之  
乙卯幸妙通寺 己未遣秘書少監王度如金謝  
橫宣即將沈進升謝賀生辰 庚申移御景禧宮  
壬戌設八閩會幸法王寺 癸亥遣兵部郎中陳士  
龍如金賀正 戊辰移御壽昌宮 甲戌太白晝見  
十二月癸未又晝見經天 乙未設消災道場于內  
殿 辛丑夜三司灾有司請罪直宿官及諸司不赴  
救者王知直宿官為副使李純憚其怒命賞之但罪  
不救者中書省固請以為若不罪失火官而罪他人  
則罪罰不中矣王不得已從之 乙巳慮囚 以閔  
令謨為太子太師李光捷為太子太傅並以本官兼

之崔忠烈為中書侍郎平章事太子少傅韓文俊參  
知政事太子少保文克謙為太子少師崔遇清為樞  
密院使太子賓客李應招知樞密院事太子賓客崔  
世輔同知樞密院事丁黃載為戶部尚書杜景升為  
工部尚書

辛丑

十一年春正月戊申朔放朝賀 己酉以李知命為  
右諫議大夫 辛亥寫經院火先是命寫成銀字藏  
經公私競納錢財而助之無賴輩欲盜其物因火之  
甲寅知樞密院事李應招卒 戊午遣衛尉少卿  
李輔德如金獻方物 庚申移御景禧宮 辛酉燃  
燈王如奉恩寺翌日大會御帳看樂夜與群臣酣飲

日宴未罷軍校皆使酒鼓譟牽龍爭高其榻至與浮  
階相齊尊卑無等王亦醉甚欲起舞左承宣文章弼  
諫止之 遣將軍申寶至如金賀萬春節 甲子  
全遣大府監任侗來賀生辰 癸酉移御壽昌宮  
乙亥白虹逼日 三月戊寅朔設帝釋道場于明仁  
殿 三月丁未朔王如靈通寺 丙寅慮囚 戊辰  
群盜入大倉隊正宋康清募卒力鬪不克而死辛未  
入奉恩寺鼓譟劫掠盜太祖鋪銀瓶三十餘口 閏  
月戊戌幸王輪寺 夏四月丁未直翰林院李元牧  
製進祈雨疏多言時政之失王召元牧傳旨曰野諺  
曰春旱與糞田同間或有雨澤則天心之仁愛蓋未

可知比者太史請禱雨予重違而許之汝疏何引我  
過舉以飾辭乎即命改撰自正月至此不雨而王言  
如此由群小導之也 辛酉禱雨于宗廟陵寢岳瀆  
及諸神祠 乙丑幸普濟寺 癸酉親醮內殿又望  
祭比郊于玄武門樓禱雨 五月辛巳再雩 辛卯  
設仁王道場于明仁殿 以崔忠烈判刑部事李富  
直門下省 六月丙午朔王如奉恩寺 辛亥設大  
歲道場于明仁康安二殿 辛酉大雨 壬申慮囚  
是月殿中省奉詔遣使賜酒果于上將軍致仕宋  
慶寶私第慶寶聞使臣至燕服出迎令使臣脫公服  
使臣據舊例遲回不敢慶寶怒叱強令脫之便執手

入廳設草具酒三行即撤慶寶宮至三品年踰七十而不知禮罵辱使命時議譏之 秋七月己卯宰樞臺諫重房會京市署檢斗斛察奸偽以市人於斗米雜沙糝賣之也 是夜自壽昌宮北垣投石抵御寢北牖者三四宿衛皆驚巡索禁垣竟不得重房奏請每夜一將軍領手下軍校伏兵宮門外及諸要害處以備警急從之 乙卯減死罪配有人島 癸酉百官習射於西郊 九月丙子詔曰朕聞往年十道察訪使黜陟官吏多有乖戾其濫蒙褒賞者猶之可也誤被罪罰寃抑無告者可不惜哉其悉原免依舊叙用仍命二罪以下悉除刑付處歲戊戌宰相宋有仁

李光弼等建議奏發十道察訪使俾往陞黜坐贓落職者九百九十餘人悉皆錄籍於是共出銀五十餘斤賂鄭仲夫求去其籍仲夫未果而敗自是大賂權貴請去之然國家朝章繇繇不絕故累歲而未能削至是用事者指言天譴屢彰訛言浸興皆因寃濫所致下詔原之臺閣無一言識者歎之 癸未百官習射於東郊 壬寅幸妙通寺 冬十月癸丑設消災道場于明仁殿 壬戌設仁王道場于大觀殿飯僧三萬于毬庭 十一月乙亥幸外帝釋院 癸未遣將軍崔璉如金謝賀生辰金用純質正 甲申移御景禧宮 乙酉設八閔會幸法王寺 己丑移御



壽昌宮 十二月壬子移安毅宗真于宣孝寺初安  
其真于城西海安寺至是武臣議曰毅宗雖武人不  
宜安真于武方遂請以城東吳彌院改號宣孝寺構  
真殿移安以海安寺為重房願堂 戊辰設仁王道  
場于內殿 庚午以韓文俊為寶文閣大學士判禮  
部事文克謙守大尉崔遇清為翰林學士承旨崔世  
輔知樞密院事宋清韓約為樞密院副使丁黃載為  
兵部尚書杜景升為戶部尚書曹元正為工部尚書  
文章弼為樞密院知奏事左散騎常侍金光載為殿  
中監獨孤孝為樞密院右承宣李知命為右散騎常  
侍申寶至為御史中丞

壬寅

十二年春正月壬午遣即將金光裕如金進方物即  
中田元均賀萬春節 甲申移御延慶宮 乙酉燃  
燈王如奉恩寺 戊子金遣耶律仲方來賀生辰

辛卯幸神泉院 甲午宴金使于大觀殿 己亥移  
御壽昌宮 二月乙巳中書侍郎平章事崔忠烈卒  
管城縣令洪彥侵漁百姓荒淫無度吏民殺彥所  
愛妓又殺妓母及兄弟遂執彥幽之有司按問流首  
謀者五六人彥亦廢痼終身又富城縣令與縣尉不  
相能害及無辜一縣不堪苦遂殺尉衙宰僕及婢因  
閉令尉衙門使不得出入有司奏二縣悖逆莫甚請  
削官號勿置令尉從之 三月辛未朔王如靈通

寺 庚辰軍器注簿張光富廬墓三年旌表門閭  
癸未以上將軍權節平為西北面兵馬使尚書右丞  
宋端為東北面兵馬使舊制兩界兵馬使上道之日  
唯郊亭局設而已雖親舊不得私餞蓋重其威也近  
年祖餞成風闐咽郊野相與媒狎頗損威重至是二  
人早發而行餞者皆不及時議多其得體 庚寅慮  
囚 初全州司錄陳大有頗員清介用刑極酷民多  
苦之及國家遣精勇保勝軍造官舩大有與上戶長  
李澤民等督役甚苛旗頭竹同等六人作亂嘯聚官  
奴及群不逞者逐有大于山寺燒澤民等十餘家吏  
皆逃竄乃劫判官孝升易置州吏孝升但授印而已

及按察朴惟甫入州賊盛陳兵伍訐列大有不法狀  
按察不獲已械大有送京師因諭賊以禍福不從於  
是悉發道內兵討之賊閉城固守事聞夏四月戊申  
遣閣門祗候裴公淑即將劉永等往問竹同等叛逆  
之由公淑等入城諭一品軍隊正史失其名謀去賊魁計  
畫垂成被讒見罷以郎中任龍臂即將全臣穎代之  
按察所遣兵攻城不下已四十餘日一品軍隊正與  
僧徒殺竹同等十餘人賊平已已龍臂臣穎等乃至  
索餘黨三十餘人誅之夷城塹而還 五月乙亥百  
官賀平全州 甲申遣近臣迎佛骨于十負殿 丁  
亥太白晝見 癸巳幸普濟寺 甲午太子親試學

生取河巨源等八人以備侍學 六月庚子王如奉  
恩寺 甲辰罷全羅道按察使朴惟甫以李章甫代  
之以不能安撫全州擅調兵也 甲子制九入金書  
狀令國學館翰儒官才名者遣之 丙寅賜許微等  
及第 秋九月穆親殿及麗正宮成 庚寅幸妙通  
寺 冬十一月己卯移御延慶宮 癸未遣將軍安  
允恭如金謝賀生辰兵部郎中崔永儒賀正 十二  
月乙卯以弟旼守太師平涼公王珙守司徒即城侯  
乙丑以文克謙叅知政事文章弼為樞密院副使  
<sup>癸卯</sup>十三年春正月庚辰燃燈王如奉恩寺 癸未金遣  
大府監僕散行來賀生辰 遣吏部郎中文章偉如

金進方物即將盧孝敦賀萬春節 丙戌移御壽昌  
宮 二月戊戌幸王輪寺 己未設藏經道場于明  
仁殿王行香製絕句一首賜文克謙和進 乙丑王  
如靈通寺 夏四月壬寅大設華嚴法會于洪圓寺  
薦庚癸以來死亡者 丁巳全國報改來遠城為來  
遠軍 戊午大雨雹如杏子 五月癸未幸外帝釋  
院 丙戌重房奏省東班官職 六月金遣大理卿  
訖石烈來賜羊甲寅宴金使于大觀殿 秋七月丁  
丑將軍慶大升卒 八月癸巳朔夜城中大驚譟聲  
震都下 戊申捕慶大升都房並流遠島 是月丙  
府宰樞奏每歲奉使如金者利於懋遷多齎土物轉

輸之弊驛吏苦之夾帶私橫宜有定額違者奪職詔  
可居無何將軍李文忠韓正修等使恐失厚利請復  
舊例王又許之王柔而寡斷政令無常朝出暮改類  
多如此 冬十月丙辰幸妙通寺 十一月壬戌朔  
日食 乙亥設八閩會幸法王寺 癸未王太后任  
氏薨太后之病也王親自調藥夜不解衣者累日病  
革王泣目盡瘡及薨殯于義昌宮旁私第王朝夕哭  
臨哀甚宰相請抑哀不聽 閏月乙未遣戶部員外  
郎崔孝著如金告哀將軍李文忠謝賀生辰即將崔  
文清賀正員外郎鄭允當謝賜羊金恤我有喪辭遣  
故皆至義州而還 丁未平章事致仕李公升卒

甲寅葬太后于純陵王自義昌宮步至彌勒寺釋

服移御堤上宮

戊午兩府宰樞臺省表請復常膳

不允 十二月庚寅以李光挺守太保判吏部事韓

文俊判兵部事文克謙為中書侍郎平章事判戶部  
事文章弼同知樞密院事御史大夫杜景升庶信若  
曹元正並為樞密院副使李義政為工部尚書

甲辰

十四年春正月辛卯朔放朝賀 甲午太白經天

乙巳遣員外郎文義赫如金進方物將軍韓正修賀  
萬春節皆至義州而還以金恤我有喪也 二月辛

未太白自去年十月常晝見 乙亥幸外帝釋院

三月辛丑京城地震 夏四月己未朔日食 壬申

燃燈王如奉恩寺翌日大會御延慶宮觀樂以國恤  
權停上元至是行之唯禁插花諸技 戊寅幸通寺

庚寅以久旱慮囚 甲午金祭奠使大府監完顏

革等來丙申金弔慰使大將軍大仲允來戊戌起復  
使完顏三勝來 癸丑王引起復使受詔于大觀殿

詔曰君子不奪人之喪蓋將立教聖人有變古之禮  
所以從宜義或可行事當無避皓分茅守土繼世象  
賢逝居海邦恪守候職頃以貢章之上遽懼母氏之  
憂朕亦惻然卿何堪處言念大藩之寄豈宜小節之  
拘已勅有司俾還從政墨衰破敵是能達兵革之權  
哀慕在心何必重苴麻之飾祖宗之業不可以不念

軍民之務不可以不修夙夜畏天之威安寧保國之

業 丁巳王宴金使于大觀殿使以不從吉礼怒不

赴 六月戊辰王乃宴金使于大觀殿竟不結棚插

花奏樂 秋七月丁亥朔樞密院使崔遇清卒

八月甲子王以嬖妾死慟哭不御內聽政 九月

丁未流諫議大夫宋訥右司諫崔基厚直史館王許

召等六人于遠島 庚戌賜琴克儀守及第 冬十

月乙亥設百座仁王會于大觀殿齋僧一萬于毬庭

癸未金主以謁貞義皇后寢宮于東京詔停明年

賀正及賀萬春節等使 十一月丙戌朔幸外帝釋

院 甲午親行虞祭 己亥設八閏會王觀樂于毬

庭翌日大會又觀樂于毬庭 丁未奉安太后真于  
靈通寺仁宗真殿 庚戌大閱于東郊 十二月甲  
申以韓文俊為門下侍郎平章事判吏部事崔世輔  
為門下侍郎平章事判兵部事文克謙為太子太保  
文章弼參知政事金光植林民庇為樞密院副使李  
義政守司空左僕射鄭邦佑知御史臺事李知命為  
翰林學士承旨鄭允當為吏部員外郎李居正為左  
正言王九用人唯與嬖宦官豎議親署叅官以上封  
其草直付政曹名曰下批政曹據草謄寫更無奏議  
由是奔競成風賄賂公行賢否混淆嬖宦豎有所  
請托王問曰得賂幾何多則喜從其請否則延時日

以冀其多故宦寺盜主權作威福甚於前朝且王之  
潛却也光靖皇后早薨不復立后故即位之後嬖姬  
孽子招權納賄竊弄威柄朝野缺望

己乙 十五年春正月丁酉以文克謙為中書侍郎判札部  
事 戊戌燃燈王如奉恩寺翼日大會王觀樂于天  
敷殿以國恤除插花 辛丑西北面兵馬使李知命  
獻契丹絲五百束知命之陞辭也王召入內殿親諭  
曰義州雖禁兩國互市鄉宜取龍州庫紵布市丹絲  
以進故有是獻毅宗時凡全國所贈絲絹等物半入  
內府以需御用半付大府以克經費王即位以後悉  
入內府賜諸嬖勝府藏虛渴徵求至此 三月甲申

朔王如靈通寺 丁未親設藏經道場于明仁殿

夏四月乙亥幸妙通寺 是月王患虛羸嘗餌栢子

仁酒栢子仁不佳御醫奏云栢子仁產雞林者最良

請遣中使求之不許請遣郵吏又不許曰今農事方

殷恐無知小人憑籍朕命擾民妨農寧輟藥物豈可

使東作之民廢其業耶遂不復御 五月丙戌遣右

散騎常侍宋端棨祭于白馬山為太子祈嗣 六月

癸丑王如奉恩寺 丙寅有侍御史二人與宦官崔

東秀會于廣真寺為流頭飲國俗以是月十五日沐

髮於東流水校除不祥因會飲號流頭飲 八月丙

辰太白經天 己未王御便殿斷刑部所奏重刑

壬申親行八虞祭 是月金男女十八人來投登

州霜陰縣下詔發還 九月丙申設藏經道場于明

仁殿 冬十月庚戌朔日食 十一月壬午遣上將

軍梁翼京郎中崔素如金謝致祭即將康用儒謝弔

慰將軍崔仁謝起復即將崔文清賀正 癸巳設八

閔會王如法王寺 己酉工部尚書咸有一卒 十

二月甲子命旌孝子尉貂門 丙寅慮囚 己卯以

杜景升參知政事李商老為吏部尚書李俊昌為太

僕卿 丙十六年春正月庚辰朔放朝賀 癸未令同正朴元

實以飛語告重房曰校尉張彥夫等八人謀亂重房

捕詰彥夫對曰方今執政用事者貪鄙酷愛白銀賣  
官鬻爵多行不法擬斷如此人頭啣其口以銀廣示  
朝野使人人知貪銀以死也彥夫竟見殺元寶起拜  
散負 辛卯遣侍郎文義赫如金進方物禮賓卿柳  
公權賀萬春節 癸巳燃燈王如奉恩寺 丙申金  
遣昭毅大將軍耶律履來賀生辰 戊戌宴金使  
辛丑王告即吉于景靈殿 丙午拊恭睿太后于  
大廟 二月庚申金遣大府監耶律圭來落起復任  
成宴金使于大觀殿 夏四月己酉政堂文學致仕  
崔汝諧卒 丁卯麗景門成諸將奏門之高廣宜准  
向成門詔可麗景在東向成在西慮東高於西文勝

武故有是議

戊辰幸外帝釋院

壬申賜宋惇光

等及第

五月壬午雨雹

辛卯幸王輪寺 宋歸

我漂風人李漢等六人

六月戊申王如奉恩寺

庚申金橫宣使大理卿李磐來宴于大觀殿磐善文  
章容止可觀自入界所至館舍錦綺帳褥必命撤之  
又禁屠殺每有餘食輒令從者盛橐而行道遇窮餓  
者悉施之 甲子賜羊于文武叅官以上及近臣有  
差 秋七月甲申有人告耽羅叛王驚愕引兩府問  
處置方略即遣閣門祗候獨孤忠即將池資深為安  
撫使以式目錄事張允文為大府注簿行耽羅縣令  
各賜綾絹口端因促上道詔前令尉皆加重罰既而



聞之無叛狀然詔令已出故允丈上官而前令尉竟坐免 甲辰內侍院奏自今有進膳者止給酒果勿用布帛布帛有數而進膳者無窮以有限之物供無窮之費非長計也詔曰朕欲澤及萬物而未遂其願故因其薄物必施厚惠布帛雖費皆是國人蒙利也勿以為吝王自即位以來有進膳者雖微物輒厚賜布帛故貪利之徒至有旁求他方以獻者 閏月乙卯制曰民惟邦本本固邦寧比來守令刻剝其民無所畏忌人不堪苦流離日多予甚悼焉惟爾有司痛懲貪吏以戒後來如有誅求於民招受賄賂者所受雖微皆從重論 丁酉謁長純二陵遂幸天孝寺

晉州守金光允安東守李光實皆貪殘屠剝民不堪苦謀為叛逆有司議賊並流之 九月丁卯幸普濟寺 冬十月丁丑流讒人朴敦夫于遠島時匿名

書甚多誣人罪過有得罪者莫知其由人皆危懼重房密令禁軍伺之敦夫懷書將帖門捕得流之道死人皆快之 癸未恭化侯瑛卒 乙酉親禱于大廟赦 十一月甲辰幸王輪寺 遣刑部侍郎于述儒如金謝落起復禮部侍郎任濡謝橫宣中將郎盧孝敦謝賀生辰即將崔光甫賀正 己未移御壽昌宮

丁卯王如靈通寺 十二月庚辰幸外帝釋院 辛丑以上將軍崔世輔同修國史將軍崔連金富並

為札部侍郎

丁未十七年春正月癸卯朔放朝賀 辛亥移御延慶宮

遣將軍車若松如金進方物李文中賀萬春節

己未金遣昭毅大將軍韓景懋來賀生辰宴于大觀

殿 二月戊寅設消灾道場于宣慶殿 己丑幸神

衆院 壬寅王如靈通寺 三月戊申幸外帝釋院

夏五月己未移御壽昌宮 六月壬申王如奉恩

寺 丙申中書省劾奏慶尚州道按察使崔嚴威苛

察侵漁吏民受賂無厭命以郎將朴冲代之冲性清

謹庚癸之亂武臣並奪文官第宅而冲獨守正 秋

乙月丁卯太白晝見經天 己巳晦日食 曹元正

等誅亂伏誅 九月壬子順州歸化所安置賊教百

人潰散行掠兵馬使發兵捕之 冬十月丁酉齋僧

三萬于毬庭 十一月丙辰移御壽昌宮 辛酉王

如靈通寺 十二月乙酉以文克謙權判尚書吏部

事

戊申十八年春正月丁酉朔放朝賀 癸丑金遣耶律彥

拱來賀生辰乙卯宴于大觀殿 癸亥設道場于明

仁殿以穰天變 二月丙申王如靈通寺 三月戊

午慮囚 夏四月丁卯朔雨雹 庚午雨雹辛未大

雨雹丁亥雨雹 五月癸卯詔曰農務方興久旱不

雨慮有冤獄久滯不決其令二罪以下悉其原免

癸丑少監王元之婢塔私奴平亮滅元之家丙辰流  
平亮于遠島平亮平章事金永寬家奴也居見州務  
農致富賂遺權要免賤為良得散負同正其妻乃元  
之家婢也元之家貧挈家往依焉平亮厚慰勸還于  
京密與妻兄仁茂仁庇等要於路殺元之夫妻及數  
兒自幸其無主可永得為良使其子礼圭得拜隊正  
娶八閔寶判官朴柔進之女又以仁茂娶明經學諭  
朴禹錫之女人皆痛憤至是御史臺捕鞠流平亮罷  
柔進禹錫官仁茂仁庇礼圭等皆逃匿 六月丙寅  
朔王如奉恩寺 己巳賜內侍中尚令李唐髦等及  
第閣門祇候李尚敦之子化龍亦登第以寵姬子妻

之命於玄德宮迎紅牌賜內庫銀及匹段 庚辰王  
受菩薩戒于明仁殿 秋七月庚申慮囚 冬十月  
甲申幸外帝釋院 戊子幸妙通寺 辛卯太白晝  
見 十一月丙申幸普濟寺 庚子太白晝見  
遣朱光美如金謝賀生辰李尚儒賀正 乙卯王如  
靈通寺 辛酉憲臺請戒近臣以充各司詔曰大臣  
子弟雖不勤謹不可輕黜無權勢者在所當去然皆  
畏法奉公除此輩更無使令不可依允  
己酉十九年春正月丁未西北兵馬使馳報金主崩  
戊申金遣使來賀生辰王宴之 二月辛酉朔日食  
庚寅王如靈通寺 三月戊午遣奉慰使及祭奠

燕會葬使如金 己未金遣使來告喪金使初至境  
上凡軍從三十一人邊吏以人數多於舊例固留不  
迎金使牒曰大行皇帝於爾國有大恩寵今聞訃音  
宜顛倒迎命即行喪禮今既累旬稽留不納大乖禮  
制命群臣會議迎入界庚申王素服率百官迎詔于  
都省廳舉哀金使見王哀痛莫不動色 夏四月壬  
戌釋服 己卯遣使如金賀登極 五月辛亥雨電  
閏月辛酉故宰相崔忠烈妻以米一百石納于公  
廩 丙寅以久旱禱雨于群望宥冤獄 辛未禱于  
廟社及名山大川諸神祠巷市癸酉聚巫禱于都省  
丁丑零又禱于群望己卯雨 秋七月丁未遣使如

金賀天壽節又遣使進方物 九月丙寅平章事文

克謙卒 冬十一月壬申金橫宣使完顏述來

庚辰王如靈通寺 甲申宴金使于大觀殿 十二

月乙巳以崔世輔判吏部事杜景升權判兵部事

庚戌二十年春正月壬申金遣耶律炳來賀生辰 己卯

宴金使于大觀殿賜金帶 是月盜起東京按察副

使周惟氏率兵欲襲賊賊覺而拒之殺傷甚衆 二

月己丑金報改元明昌 夏五月賜皇甫緯等及第

秋八月丙戌減內外死囚十六人分配海島 丁

酉以秋夕親享景靈殿 甲辰幸普濟寺 丁未平

章事韓文俊卒 九月丙辰詔曰自古有國家者所

重在民唐太宗揀天下清直有名之士分補守令撫  
綏黎民事在簡策垂法後世今國家酌古思今揚清  
激濁黜陟之法庶幾貞觀乃何近民之官先私後公  
損人益己剝民膏血恬不為愧雖賊狀已露猶且付  
托權勢以圖苟免故習俗因循狃于奸宄欲臻至治  
其可得乎咨爾兩界兵馬使五道按察使尚一乃心  
力見善若驚疾惡若讎其有守節效職者褒之使知  
勸賣公漁利者劾之使知戒如此則庶耻之風興而  
貪殘之行息矣其令有司施行 庚申以重陽親享  
景靈殿 壬戌有司奏劾忠州牧使前上將軍鄭元  
辦制曰代君而理民者吏也故吏良則民安否則必

至騷擾元辦嘗抵法削爵竄于南荒朕莫其自新命  
以前職假守中原今且不悛多行不義剝民滋甚罪  
在不赦然以惻隱之心不忍加誅其令以檢校官屏  
居鄉里彼忠州民敢行告訴罪合示懲第愚氓不忍  
荼毒冒死仰訴其亦可矜有司無問 戊寅太白晝  
見二日 慮囚 冬十月壬寅設百座仁王會于大  
觀殿飯僧于毬庭三日 十一月遣使如金謝賀生  
辰又遣使賀正 乙丑設八閤會幸法王寺 甲戌  
幸靈通寺 十二月辛巳朔設勝法文道場於內殿  
癸巳以中郎將姜純義為南路捉賊使閣門祗候  
庚寬副之 戊申以崔世輔特進守大師杜景升守

大尉李義旼同中書門下平章事朴純弼為中書侍郎平章事史正儒守司空左僕射參知政事李奕蕤參知政事李知命為太子少傅白任至門知下省事權節平為樞密院使趙永仁劉升金永存並同知樞密院事金純為樞密院副使崔瑜賈為國子監大司成樞密院副使

辛

二十一年春正月辛亥政堂文學李知命卒 丙寅

金遣完顏克來賀生辰庚辰宴于大觀殿 二月乙未金遣完顏臣來告皇太后喪遣大將軍韓正修郎中崔敦禮如金弔喪大將軍文得呂司業李世長致祭丁酉幸延慶宮邀金使至不夜率群臣迎詔于都

省發哀 己亥宴金使于大觀殿 庚子知門下省

事白任至卒 三月乙卯參知政事朴純弼卒

秋七月己酉再雩 冬十二月甲辰以杜景升判吏

部事修國史李義旼判兵部事李奕蕤為中書侍郎平章事權節平參知政事判戶部事趙永仁參知政事政堂文學翰林學士承旨劉升守司空左僕射金永存知樞密院事金純同知樞密院事孫碩王度並為樞密院副使

壬

二十二年春正月乙巳朔金遣穆益温都說來賀生辰癸亥宴于大觀殿 二月癸巳平章事李奕蕤卒 夏四月壬子命吏部尚書鄭國儉判秘書省事崔

詵集書筵諸儒於寶文閣繼校增續資治通鑑分送  
州縣雕印以進分賜侍從儒臣 戊午賜孫希綽等  
及第 六月壬寅王如奉恩寺 甲寅金遣橫宣使  
李木魯至忠來 秋七月乙亥遣使如金進方物壬  
午遣使賀天壽節庚寅遣使謝橫宣 戊戌幸王輪  
寺 八月癸丑德寧公主卒 壬戌太白經天 癸  
亥宋商來獻太平御覽賜白金六十斤仍命崔詵校  
讎訛謬 九月庚午朔遣郎將金元義等二十餘人  
往西都度畿內田 冬十月辛丑李義旼以御史大  
夫王度起第於壽德宮傍劾罷朝野失望 丁卯幸  
妙通寺 己巳政堂文學致仕蕪信若卒

丑癸

二十三年春正月乙酉金遣礼部侍郎張汝猷來賀

生辰丁亥宴于大觀殿 二月丁卯王如靈通寺

東南路按察副使金光濟討賊不克請遣京兵 三

月乙酉平章事林民庇卒 夏五月丁丑迎日縣獻

瑪瑙 六月丙申朔王如奉恩寺 秋七月辛未遣

使如金進方物乙亥遣使賀天壽節 時南賊蜂起

其劇者金沙彌攬雲門孝心據草田嘯聚亡命探掠

州縣王聞而患之丙子遣大將軍全存傑率將軍李

至純李公靖金陟候金慶夫盧植等討之 是月太

白晝見經天 八月辛丑李公靖金慶夫等擊賊敗

績 甲辰減死刑十五人分配海島 冬十月戊申

平章事崔世輔卒 甲寅設百高座道場於內殿飯  
僧三萬 十一月壬申遣使如金謝賀生辰又遣使  
賀正 乙酉以恭睿太后諱辰設齋于內殿自諸王  
候伯兩府宰輔近衛之臣各獻餽饌諱辰群下供饌  
始此 丁亥王如靈通寺 壬辰以上將軍崔仁為  
南路捉賊兵馬使大將軍高湧之都知兵馬事率將  
軍金存仁史良柱朴公襲白富公陳光卿往討之  
十二月壬寅太白晝見經天 丁巳南賊魁得甫詣  
闕請許安業命有司放還聽兵馬使區處

甲寅

二十四年春正月己卯金遣大理卿紇石烈瑄來賀  
生辰辛巳宴于大觀殿 二月癸巳南賊魁金沙彌

自投行營請降斬之 甲寅將軍史良柱擊南賊敗

死 庚申左道兵馬使崔仁率銳卒數千擊賊至江

陵城設伏以待賊至執一女問曰兵馬安在女曰在

城中賊驚駭而退伏發追斬百五十級 三月丁丑

門下侍郎平章事致仕閔令謨卒 壬午遣奉御柳

澤如金進方物將軍權信賀天壽節 夏四月戊戌

南路兵馬使擊賊于密城楮田村斬獲二千餘級器

械牛馬稱是 乙巳賜金君綏等及第 癸丑右道

兵道兵馬使擊賊擒斬四十級又連戰三日賊敗北

六月庚寅諫官奏早曠日久亦由祈禱未早請治  
太史之罪王曰咎在寡人太史何罪勿問 丁酉太



史奏昔甲寅歲久旱仁考因太史之請以七事修省  
一曰治冤獄二曰賑鰥孤寡獨三曰輕徭薄賦四曰  
進賢良五曰黜貪邪六曰恤怨曠七曰減膳羞今旱  
魃為灾乾文屢變請依舊制側身修行以答天心  
戊戌親禱雨于妙通寺澍雨大降 秋八月丁酉南  
賊魁遣其黨李純等四人詣闕請降除純等隊正賜  
布遣還 甲辰減死囚十人杖脊配流 九月己未  
太史奏天文示儆尚矣今南方未靜國家未能討平  
臣竊寒心况我朝盛德在木方秋葉落變隨以生請  
慎之王命內外戒嚴 庚申門下侍郎平章事李光  
捷卒 甲子叅知政事崔瑜賈引年乞退時人美之

冬十月丁酉南路兵馬使收賊妻孥三百五十餘  
人黥配西海道充諸城奴婢 閏月乙亥有司奏左  
道兵馬使崔仁嘗自絀退不肯一戰淹延歲月糜費  
不貲請罷治罪以右道兵馬使上將軍高湧之兼領  
之王曰賊亦民也奚多殺為以息服之可也有司固  
請從之 十二月己未太史奏曰頃來乾象多變意  
者天儆陛下歟宜惕然修省以答天心戒不然禍且  
至矣王懼分遣使祈告 癸亥南路兵馬使擒賊魁  
孝心 己卯以趙承仁守太尉上柱國孫碩叅知政  
事申寶至守司空左僕射李仁成同知樞密院事御  
史大夫柳公權同知樞密院事奇洪壽為樞密院副

使崔仁為刑部尚書高湧之為工部尚書文迪為右  
散騎常侍 辛巳南路兵馬使高湧之班師王引見  
獎諭甚厚

乙卯

二十五年春正月癸卯金遣李敬義來賀生辰 王  
聞水州延谷村有老嫗年百有四歲子孫丁壯者共  
九十五人悉供徭役賜嫗穀三十石 三月丙戌朔  
日食 丁亥親命題試文臣詩賦金君綏為魁大加  
稱賞 癸巳詔曰比年旱災未嫁不稔而民不足食  
吏猶徇私戶歛尤暴或以不急發郵所致侵擾又勢  
家日益侵民妨農害穀朕甚憂之自今諸道使臣等  
察吏臧否問民疾苦具狀以聞朕有不勤則有司存

夏四月庚申中外賀天禧節太子受賀遂朝于王

王問民間之語對曰人皆笑臣為老太子王曰寡人  
之久生亦過也太子失色太子之意稱羨王之壽考  
然語涉疑諱故也 六月辛酉再雩 丁卯金橫宣  
使納蘭昉來庚午宴于大觀殿 秋八月戊辰減死  
囚十四人放流 冬十一月戊申仁宗出妃福昌院  
主李氏卒

丙辰

二十六年春正月丁酉金遣賈益來賀生辰宴于大  
觀殿 二月丁卯京城地震 壬申遣樞密院事李  
俊昌奉宣孝寺毅宗神御移安于佛住寺 三月己  
丑詔曰蓋聞君道得則風雨時否則反是近者歲不

登稔飢饉荐臻今又久旱朕甚懼焉庶幾除苛政恤  
冤枉以答天遣惟爾有司体朕此意凡繫囚罪非殊  
死悉原之 夏四月戊午將軍崔忠獻誅李義取

己卯以趙永仁權判吏部事柳得義權知吏部尚書  
白存儒為大將軍崔忠粹崔光允並為將軍朴晉材  
為別將 六月壬子以崔忠獻于承慶為左右承宣

庚午以崔忠獻知御史臺事 秋七月丁亥賜趙  
拱規等及第 丙申政堂文學柳公權卒 八月戊

申守司空左僕射申寶至卒 庚午改中和殿曰延

康雲龍門曰天祐 壬申王自壽昌宮移御延慶宮

自辛卯宮闕定為接金使先創康安大觀兩殿金使

至則入御康安殿引見于大觀殿忌其新創未嘗留

御礼畢即還御壽昌宮至是乃御延慶宮崔忠粹陳  
兵兵曹之南及車駕將入廣化門觀者多從傍出忠

粹遣人呵止觀者辟易亂觸太子儀伏人訛言變生  
輦下扈駕百官皆狼狽四散夾道士女交相踐蹂惟  
侍中杜景升按轡自若時人心洶洶危疑如此 九

月丁丑朔御儀鳳門赦 冬十一月己丑設八閔會

王勅北界諸都領等觀樂麟州都領中郎將子冲見  
判閣門事王珪長揖不拜有司劾奏無礼王曰與藩  
民同樂寵之也而罪之可乎有司再請允之子冲初  
發本州謂諸郡領曰國家召吾輩盖有指矣吾入朝

欲以微事試之如將罪我是朝廷有人否則是畏我也  
也 甲午移御壽昌宮 庚午以門下侍中杜景升  
為中書令

丁巳

二十七年春正月丙子移御延慶宮 辛卯金道阿  
弗罕德剛來賀生辰 二月乙巳朔日食 壬子夜

有人入大內鑿利賓門外西步廊柱為穴數十武人  
曰此必東班蠱西也相傳譁諛者甚眾東班無以自  
明獨大將軍于承慶曰此姦人隙文因以生事耳非  
東班為之也眾口乃止 夏五月己酉賜房衍寶等  
及第 秋九月甲寅崔忠獻兄弟設醮以廢立事告  
天是夕大雷電雨雹旋風暴起拔興國寺南道傍樹

木吹入獄中垣墻盡頽近獄新步廊十八間一時壞

仆又吹過高達坂至賢聖寺多拔樹木 庚申大雷

電 癸亥忠獻兄弟逼王軍騎出向成門幽于昌樂

宮放太子璿于江華島迎平涼公肱立之以子淵為

太子神宗五年九月王患痢疾神宗遣中使請曰欲

遣醫進藥誰其可者王曰我忝位二十八年壽七十

二豈希延生遂不聽十一月戊午薨于昌樂宮謚曰

光孝廟號明宗葬于長湍陵曰智陵高宗四十年加

謚皇明史臣贊曰自鄭仲夫李義方肱等弑毅宗竊

弄國柄為明宗計者當誓心自強必欲討賊而後已

若曰力不足則慶大升憤王室之微弱疾強臣之跋

扈一朝舉義誅仲夫父子如獵狐兔而義收奉首鼠  
竄假息卿閭此正任用賢良修明紀綱復張皇室之  
秋也王不能然溺於晏安其所施為殊如平居無事  
之時若義收者特一匹夫耳遣一介使數其弑君之  
罪誅而族之可也反加招置驟登爵位使之陵轢王  
室殺害朝臣賣官鬻獄濁亂朝政其禍慘矣崔忠獻  
乘釁以起而王反見放逐子孫不保自是權臣相繼  
執命王室之不亡若綴旒者幾百年嗚呼痛哉

世家卷第二十一

世家卷第二十一

高麗史二十一

正憲大夫工曹判書集賢殿大提學知 經筵春秋館事兼成均大司成 臣鄭麟趾奉教修

神宗

神宗靖孝大王諱暉古諱收字至華仁宗第五子明  
宗母弟仁宗二十二年甲子七月庚申生及長封為  
平涼公明宗二十七年九月癸亥崔忠獻廢明宗迎  
王即位于大觀殿 乙丑御大觀殿受群臣賀移御  
儀鳳樓親勞毬庭宿衛軍仍命罷歸翼日忠獻兄弟  
亦出自樞密院歸第 丁卯以崔忠獻為上將軍柱  
國忠粹為鷹揚軍大將軍知都省事柱國朴晉材為

刑部侍趙永仁判更部事竒洪壽參知政事判兵部  
事 冬十月乙丑王改名暉嘗在潛邸夢人命曰千  
暉未幾即位至是以與金主同名欲改之令宰相擬  
進參知政事崔讜進暉字王心異之遂改 丙子  
遣考功員外郎趙通如金前王表曰鶴鳴于臯尚有  
可聞之響葵傾於日豈無委照之私敢殫懇款之誠  
仰瀆高明之鑑伏念某猥將繇力叨襲藩封表東海  
之濱久陶于聲教迺西山之日忽染于病疴一脚偏  
枯而行必借于人扶兩眼並昏而視不逾于步內自  
年齡馴致若此非藥餌所可能為且當國政之堆前  
意必迷于去取如或皇華之臨境祀必闕于將迎念

茲雖謂之小邦厥位難虛于一日顧父言之在耳頃  
弟及而傳家故臣曩嘗受付托於臣兄今宜畀重艱  
於臣弟况臣兄有元子臣某嘗傳聞於遺訓亦承順  
於臣心因謂大叔之賢非所跂及願附延陵之節固  
欲退藏而臣母弟暉德服人心名高戚里非特能保  
乂于下國亦可藩宣于上朝乃于九月二十三日以  
弟暉權守軍國事務敢布腹心之微用祈履載之惠  
新王表曰覆物無私帝王之至德仗信以事臣子之  
良規敢吐忱辭冒干聰聽伏念舊邦遺胤荒服會臣  
遭逢解網之時涵泳垂衣之化伏見臣兄國王臣皓  
逮事先帝至于聖朝述職僅三十年祀無所失享壽

餘六十載病莫能興藥乏萬金之良疾同二豎之苦  
欲釋重務庶保殘齡追述臣父國王楷遺囑以九月  
二十三日令臣權守軍國事務而臣迫此懇辭避將  
何計顧員托之大重將籲呼以上聞然念宗廟不可  
以乏嗣黎元不可以無主勉從誠請假守繁機若臨  
淵而履水或至隕越儻回霜而收電未荷生成區區  
之誠實天所鑒 十一月庚子朔御儀鳳樓詔曰朕  
因臣民之推戴承宗祖積累之基夙夜祇懼無安厥  
職庶幾中興馴致大平雖至憂勤罔知攸濟視古哲  
王寬刑宥罪崇德報功輕徭薄賦為理之要莫過於  
此故欲於中外普被恩澤與民更始 自今月初一日

昧爽前內外斬絞以下至于贖銅微瓦咸赦除之國  
內名山大川及耽羅神祇各加號祖聖及歷代名王  
加上尊謚年八十以上及篤廢疾僧俗男女鰥寡孤  
獨義節孝順旌表門閭許加分職登極日侍衛宰樞  
以下及軍卒加爵號分職子孫加蔭職其餘不應受  
職者各賜物有差文武兩班各許散職一級田柴東  
堂監試人吏動靜並許一度 前中書令杜景升卒  
壬子改天祐門為應明 癸丑設八閩會幸法王寺  
癸巳以宗室珙守太 上柱國延昌公沔守司空上  
柱國廣陵侯縝守司徒上柱國寧仁伯祐守司徒上  
柱國昌化伯沆守司徒上柱國趙永仁守太師門下

侍郎平章事監修國史判吏部事竒洪壽守司徒中書侍郎平章事監修國史判兵部事太子太傅任濡崔謹並為中書侍郎平章事李文中叅知政事于述儒守司空左僕射判刑部事崔詵知樞密院事太子少師金股同知樞密院事太子賓客蔡順禧車若松並為樞密院副使金彥為尚書左僕射林惟謙為尚書右僕射判三司事崔忠獻為樞密院知奏事

平

元年春正月己亥朔日食

庚子放朝賀

壬子燃

燈王如奉恩寺

甲子以上將軍白存濡為西北面

知兵馬事大府卿文候軾為東北面知兵馬事三月戊戌王以仁宗忌晨道場將如靈通寺即位未久

疑有變不果行

乙己元子始開書筵於寶文閣

丙午分遣中使省州縣冤獄

丁己幸王輪寺

甲

子幸妙通寺

乙丑重房奏閩西之地武官位也請

禁人家安碓

夏四月癸酉賜顛陵乙酉諸昌陵

已酉有司請避上嫌名今諸姓卓者從外家姓若內外姓同則從內外祖母之姓丙午趙通還自金

荅前王表曰詔卿嗣爵遐陬撫封歲久遷退讓以去

位疑事變之非常迨閱奏緘備形懇切自以衰疾之逼難任機務之繁且述父言欲令弟及久曠藩宣之寄已從權攝之宜雖若出於卿誠顧未孚於朕聽續遣信使往咨其詳己未幸外帝釋院六月丁卯



朔太白晝見 辛未再雩 癸酉賜田敏儒等及第

金遣宣問使大理卿孫俟來俟詰前王遜位事由

對如前王表意俟曰有詔必見前王親授朝議難之

門下侍郎趙永仁曰前王養疾南州計程三十日乃

至必欲親授詔請留待二月然後可俟曰苟如是不

必親授也翼日傳詔于王詔曰久撫海邦遷形誠懇

自以嬰疾難于奉藩乃迫述于父言且并陳其子讓

欲令母弟傳受爵封謂其能事于上朝已俾攝行國

政驟達予聽未察所從特命使以即諏庶得卿之誠

素具詳奏贖無或隱情 秋七月丁未以王生日為

成成節 乙卯遣禮部郎中白汝舟如金請封冊侍

郎鄭邦輔進方物 八月壬午太白經天 九月遣

戶部侍郎鄭世冲如金賀 天壽節 冬十月癸酉太

白經天二日 十二月戊 以崔忠獻為樞密院知

奏事

紀二年春正月癸巳朔放朝賀 遣禮賓卿白元軾如

金賀正 二月甲子白汝舟還自金詔曰卿比飾使

駢肅馳緘奏備叙兄讓兼徵父言慮有曠于撫封迺

從權而攝事詰其端緒亦既合符茲復貢於款誠冀

獲承於世爵載稽公義爰畀俞音續當遣使冊命

盜起溟州陷三陟蔚珍二縣盜又起東京與溟州賊

合侵掠州郡遣郎吳應夫借問門祇候宋公綽于溟

州道將作少監趙通即將韓祗于東京招撫之 壬  
辰王如靈通寺駕經園扉勅刑部減囚徒 三月戊  
午慮囚 宋公綽招諭東京賊魁金順蔚珍賊魁今  
草等來降王賜酒食衣服遣還 夏四月癸酉親禘  
於大廟赦 乙酉金遣封冊使大理卿完顏愈尚書  
兵部侍郎趙琢等來上節十八人散上節十四人中  
節二十七人下節一百人車二十一兩馬一十四匹  
網擔夫一百人 五月戊戌命平章事竒洪壽改寫  
大觀殿無逸篇 辛丑王受金詔于大觀殿詔曰昨  
土尚規所以就傳于國政象賢立德亦惟安享於世  
封粵箕子之故區實卞韓之舊壤根本固而所庇者

久枝葉茂而其承者蕃享茲世及之休卒自慶流之  
永載敷新渥庸煥異恩咨爾暉稟性安和持心協睦  
賢明素出于天姓名譽寢稱于國人屬其兄病且日  
加捨其子位將冲畀露章來上誠意可嘉賜朕聽之  
具享管邦儀而徃代今遣使大將軍大理卿完顏愈  
持節冊命爾為開府儀同三司永為藩輔於戲俎豆  
遺俗尚循舊者有年昆弟傳家復聯芳而累葉宜克  
念於鯨遠以無忘于寵綏徃敬乃心其服朕命又詔  
云分命候邦是維屏翰嗣膺世緒厥其故常茲臨遣  
於使駢徃就加於典冊其承恩敷益懋忠勤今差使  
某官徃彼冊命仍賜御車服金印匹段弓箭鞍馬等

物具如別錄至可領也 六月壬戌王如奉恩寺  
中書奏賊臣曹元正石冲餘黨雖被德音已免流放  
請勿復給職田以懲亂賊從之 癸酉以崔謹為門  
下平章事致仕于述儒為中書平章事致仕凡不請  
而仍令致仕者二十人 乙亥王受菩薩戒 秋 乙  
月乙未遣大將軍金陟候禮部侍郎王儀如金謝冊  
命 戊戌以蝗虫風灾分遣近臣慮中外因 辛丑  
遣鄭知輔如金進方物 戊午太白晝見 九月壬  
辰賜崔得儉等及第 辛丑遣戶部侍郎劉公順如  
金賀天壽節 冬十一月壬寅設八閩會幸法王寺  
十一月壬戌太白經天 乙酉以竒洪壽守太尉

門下侍郎平章事

輶三年春正月戊子朔放朝賀 遣禮部少卿白元軾

如金賀正 己酉崔忠獻奏戒中外獄囚又計流人  
年月久近及老少原免 三月甲子太白經天 閏  
月戊申元子謂僚屬曰人皆不知其過吾亦安能自  
知請卿輩悉陳無隱朝野喜歎 三月癸亥改元子  
淵名為惠 丁卯中書平章事李文冲卒 戊寅太  
白經天二日 夏四月癸巳冊元妃金氏為宮主  
乙未幸普濟寺 戊戌雨雹 庚子冊元子惠為王  
太子教曰元子惠天資偉麗本性靈明以長子之賢  
莫若主器在聖人之訓必也正名茲率彛儀特頒異

渥今遣使賚詔持節冊名爾為王太子冊曰立予以  
長自古而然况漢史有早定之言商史載以貞之宜  
乎崇主鬯之位於固立邦之基咨爾元子惠以岐嶷  
之姿稟溫慈之性讀書著文操筆吮墨皆若夙習決  
非偶然德既茂于元良分亦當于儲副非特有龜筮  
協從之吉抑亦塞中外俟望之誠肆擇良辰俾加顯  
冊今遣使特節修禮冊命爾為王太子於戲非仁無  
以堪繼體之重非義無以制有衆之心樂聽正言務  
修諸善以對邦家熾昌之慶勿墜祖先積累之休可  
不勉乎 癸卯封子恕為德陽侯 辛丑幸妙通寺

五月己巳遣少府監趙通中郎將李績安撫晉州

是月密城官奴五十餘人盜官銀器投雲門賊

秋八月癸巳慶州李義旼族人既放還與州吏構隙  
角鬪相殺義旼族人不克時按察使田元均入州不  
能制於是房守別將通引皆見殺元均懼即避去他  
邑 金州雜族人群聚謀亂豪族人豪族奔避城外  
乃以兵圍副使衙副使李迪儒登屋射首謀者應絃  
而倒其黨四散已而還告曰我等欲除強暴貪汚者  
以清我邑何故射我迪儒陽驚曰吾未嘗料此誤謂  
外賊耳乃密諭城外豪族夾擊盡殺之 冬十一月  
丙寅設八閔會今用十四日者避卯日也  
辛巳金遣礼部侍郎劉公憲來賀生辰咸成節本在

乙未依前朝大定甲午年例以十二月初一日為節  
遂為常例 癸未宴金使于大觀殿 十二月丁未  
以崔詵守太尉門下侍郎同中書門下平章事判吏  
部事奇洪壽守太師柱國任儒守大傅門下侍郎平  
章事崔忠獻守大尉上柱國安有孚為右副承宣中  
書舍人趙準為戶部侍郎右諫議大夫 慶州副留  
守房應喬免以郎中魏敦謙代之初忠獻之夷義敗  
族也慶州別將崔茂承州官之命捕義敗族思敬等  
數人抵罪於是思敬族伯瑜直才等怨之訐應喬曰  
曰茂欲作亂應喬信而囚之伯瑜直才夜入獄殺茂  
應喬不問擅殺之罪反欲捕殺茂族用雄大義等州

人憤怨既而用雄大義殺伯瑜直才而用雄亦為人  
所殺至是大義等集州中無賴縱暴甚應喬又不制  
朝廷聞之故有是命

醉四年春正月壬子朔放朝賀 二月庚辰太白晝見

三月辛亥朔王如靈通寺 夏五月庚申雨雹

庚午賜崔宗俊等及第 六月辛巳再雩 壬辰金

遣吏部侍郎劉頴來賜羊 秋七月辛亥太白晝見

遣工部侍郎太守正如金謝橫宣衛尉卿奏彥匡

謝賀生辰 甲戌都齋庫御史即將盧彥叔詐稱擢

貴干請出庫米許多石欲與庫負吏分之直庫將校

奔告承宣于承慶事下憲臺微所盜米流彥叔及胥

吏等二十餘人于海島 遣札賓卿趙淑如金進方  
物 九月丁卯令恭外群官習射于西郊 壬申遣  
吏部侍郎鄭公順如金賀天壽節 冬十月己亥設  
百座位于毬庭 十一月戊申朔日食隱不見 辛  
亥太白晝見五日 十二月丁丑朔金遣工部侍郎  
納合鉉來賀生辰 戊子刑部尚書閔湜卒 壬寅  
以崔詵開府儀同三日上柱國奇洪壽為門下侍郎  
同中書門下平章事任濡守大尉柱國金暎為中書  
侍郎平章事車若松守司空參知政事崔忠獻為樞  
密院使吏兵部尚書御史大夫 二月辛巳放中外輕  
五年春正月丁未朔放朝賀

繫 三月丁巳冢宰崔宣于承慶坐札賓省試取譯  
語 壬申慮囚 夏四月壬午雨雪 五月丁未雨  
雹 乙丑賜黃克中等及第 丁亥再雩 秋七月  
丙午遣將軍韓抵如金謝賀生辰史祐賀天壽節  
九月丙午門侍中趙永仁卒 冬十月耽羅叛遣小  
府少監張允文中即將李唐績安撫之 慶州別抄  
軍與永州素有隙是月乃引雲門賊及符仁桐華兩  
寺僧徒攻永州永州人李克仁堅守等率精銳突出  
城與戰慶州人敗走忠獻聞之會宰相諸將於大觀  
殿議曰慶州人恣行不義今又聚黨攻伐隣邑宜發  
兵討之 十一月丙辰設八閔會幸法王寺 戊午

前王薨于昌樂宮 己巳金遣戶部侍郎李仲元來  
賀生辰 十二月乙亥耽安撫使張允文李唐績奏  
賊魁煩石煩守等皆伏誅 丙子慶州賊李佐等起  
金遣陟候崔匡義康純義分道討之 閏月壬寅葬  
明宗于智陵 甲辰太白晝見 己未以崔忠獻守  
大傅叅政知事吏兵部尚書判御史臺史臺事王珪  
為御史大夫白存濡同知樞密院事金平李自貞並  
為樞密院副使于承慶為樞密院知奏事安有孚李  
抗為左右承宣金陟候知御史臺事崔爽為殿中少  
監御史雜端鄭德宇為右司監朴得文朴仁碩為殿  
中侍御史任孝明為殿中內給事李承白李得紹為

左右正言

癸亥

六年春正月辛未朔放朝賀

己丑幸神衆院 乙

未親設帝釋道場於修文殿

二月乙巳幸法雲寺

戊午設歷兵無能勝道場于修文殿 壬戌幸普濟

寺設五百羅漢齋以祈滅賊 己巳王如通寺時御

輦軸頭忽折王乘馬至選軍門尚乘局改軸以進王

復乘輦太子扈行馬且逸易以他馬 三月戊子幸

王輪寺 乙未幸妙通寺 丙申慮囚 夏四月丁

未太白晝見 甲寅設消災道場于宣慶殿 六月

戊戌朔王如奉恩寺 癸丑太白晝見 秋七月戊

辰以王珪守司空李椿老叅知政事仍令致仕康碩

侯為右正言 辛未設消災道場于宣慶殿 遣將  
軍尹公直如金謝生辰 戊寅遣左司郎中郭公義  
如金賀天壽節 辛巳太白晝見 乙酉中書平章  
事金駿卒 八月辛亥叅知政事鄭國儉卒 癸丑  
幸普濟寺設五百羅漢齋 九月甲午崔忠獻詣奉  
恩寺祭太祖真殿仍獻衣襯 冬十月辛丑設消災  
道場于宣慶殿 乙卯幸王輪寺 十一月丁卯幸  
妙通寺 辛未設佛頂道場于宣慶殿 戊寅設八  
閩會幸法王寺 戊子王以恭睿太后忌晨將如靈  
通寺日奏官天文有警不宜出果不行 壬辰金遣  
兵部侍郎尹孝生賀生辰 十二月乙未朔宴金使

于大觀殿 戊午以車若松守大尉中書平章事崔  
忠獻為中書侍郎平章事吏部尚書判御史臺事太  
子少師王珪叅知政事丁光叙金鳳毛並為樞密院  
副使朴晉材為尚書左丞張允文試大府卿右諫議  
大夫知制誥李端林為正右言知制誥 庚申王發  
背疽辛酉崔忠獻入內問疾  
子甲 七年春正月丁卯崔忠獻又問疾王謂曰寡人由藩  
邸即寶位公之力也年既老矣加以彌留不能聽朝  
欲傳位于太子忠獻對曰願上善自攝養禪位之命  
非臣所敢從也遂出 戊辰忠獻邀冢宰崔誥平章  
事奇洪壽于私第密議內禪之事 己巳忠獻復入



問疾王語以內禪意甚繼繼忠獻以告太子太子涕  
泣固辭王移御于千齡殿詔太子曰朕以涼德謬襲  
丕基年既衰耄病且彌留不敢聽政眷爾元子學就  
光明德孚民望肆以大寶用付于爾忠獻白太子曰  
君父之命不敢固辭引入康安殿御服北面再拜奉  
出大觀殿受百官朝賀王扶起謂忠獻曰今日朕之  
志願已畢病亦隨愈卿於朕之父子功德不淺無以  
為報遂泣下再拜而出王謂承宣及重房等曰今日  
以後不復見卿等矣宜各善輔嗣君以臻至理聞者  
莫不流涕 丁丑王移御德陽候邸遂薨遺詔勿殯  
乾始殿 戊寅殯于內史洞靖安宮在位七年壽六十

一謚曰靖孝廟號神宗葬于城內陵曰陽陵高宗回  
十年加謚敬恭

史臣贊曰神宗為崔忠獻所立生殺廢置皆出其手  
徒擁虛器立于臣民之上如木偶人耳惜哉

### 熙宗

熙宗成孝大王諱諤字不陂古諱惠神宗長子母曰  
靖宣太后金氏明宗十一年辛丑五月癸未生神宗  
三年四月冊封太子七年正月己巳受內禪即位  
丁丑神宗薨二月庚申葬于陽陵 遣郎中任未齡  
如金告喪 三月丁卯釋奠于文宣王以國恤用是  
月 夏四月甲午朔尊母金氏為王太后 己未赦

五月庚午改王生日壽祺節為壽成 六月己亥金  
遣蔡真使少府監張偁大理少卿梅瓊慰問使工部  
侍郎石慤起復使吏部侍郎木甲晦等來三使間一  
日入京分處仁恩迎恩宣恩三館 乙卯王服皂衫  
引蔡真使迎詔于延慶宮庚申宴金使舊例當客使  
宴日內侍一人承命出右倉乾餼十五石分給侍衛  
軍人是日軍人怒不均分歐殺抄一人內侍逃免刑  
部囚繫軍人鞠問拷掠死者數人終不得殺抄者  
秋七月壬戌朔金遣橫宣使兵部侍郎完顏立來  
八月戊午遣將軍金慶夫禮部侍郎崔光遇如金謝  
賜祭 叅知政事車若松卒 九月辛未燃燈幸法

王寺壬申設大會今用九月者以正月方初喪也

是月遣使如金謝慰問起復橫宣 冬十月癸巳賜

印得候等及第 十一月甲子立元子祉為太子年

八年 十二月癸丑以崔忠獻守太師門下侍郎同

中書門下平章事

丑 元年夏四月辛亥樞密使金平卒 六月甲午弘文

公徒諸生訴忠獻曰本徒及第林得候附勢賣我宣

聖堂于將軍金俊請罪之數日憲臺囚得候獄徵曰

銀十斤 秋七月丙辰賜馬仲奇等及第 八月宋

商船將發禮成江監檢御史安琬行視闌出之物得  
犯禁宋商數人笞之太甚忠獻聞之罷琬又論不擇

遣御史罷侍御朴得文 冬十二月丁卯以崔忠獻  
為門下侍中晉康郡開國侯奇洪壽判吏部事

丙寅二年春二月己未祔神宗于大廟 夏四月甲子金

遣大理卿移刺光祖少府監馬黯來冊王宣慶大觀  
兩殿倚屏久為塵汚王命忠獻子將軍瑀書洪範于  
宣慶殿無逸于大觀殿以迎北使癸酉王將受冊遣  
左承宣鄭叔瞻議行礼所於金使答曰受冊宣慶殿  
設宴大觀殿行望詔拜於昇平門外王以門忠獻對  
曰前王時宣慶殿灾故受冊於大觀而望詔于昇平  
門外今正殿已成豈可苟循一時之制而便失舊規  
耶遂從之 六月甲寅賜庾亮才等及第 丙寅震

門應似同查改

大將軍朴槩謨槩謨為人貪婪詐偽 秋八月甲戌

謁顯陵 九月乙酉謁昌陵 甲午謁陽陵重營陵

傍彰信寺改額曰孝信以資冥福內侍崔正份監其

役款媚于王窮極侈麗糜費甚廣 冬十月辛酉親

給大廟

丙三年春正月自前年冬山西達官多死武班疑東班  
祝之牲：有不平之語以內侍負行祈禳道場於重  
房將軍房 二月丁未朔崔忠獻奏諸道沅配者量  
移放免幾三百人 三月庚子御宣殿使晉康侯崔  
忠獻奉上冊寶於王太后賜忠獻犀帶金銀綾絹鞍  
馬等物遂宴諸王宰樞文武常參以上官賜廐馬人

一匹 夏四月己酉赦

辰四年春二月乙卯太白晝見經天太史奏己巳之歲

明堂水流破巽方商音尤忌又有向成門重營之役  
不可留御闕內丙寅移御梨坂崔瑀第 三月壬申

王曲宴于忠獻茅亭唱和終夜劇飲甲戌還御梨坂

宮 閏月乙亥召德陽侯恕寧仁侯稹始興伯璉侍

中崔忠獻門下平章事奇洪壽任濡樞密使于承慶

同知樞密事盧孝敦宴于樓上觀擊毬賜打毬者彩

帛有差 丁酉賜皇甫瓘等及第 六月己巳朔王

如奉恩寺 秋七月丁未改營大市左右長廊自廣

化門至十字街凡一千八楹又于廣化門內構大倉

南廊迎休門等二十三楹凡五部坊里兩班戶歛米

粟就賃供役兩班坊里之役始此 八月庚寅遣起

居郎林永軾如金賀天壽節 甲午幸法雲寺 丙

申盜發武陵王命礼部諸陵署巡審諸陵又有盜發

者五六命中使令願刹僧修之有司劾罷諸陵直配

陵戶人于遠島明年獲盜數人誅之 九月己亥幸

王輪寺 冬十月乙亥饗國老廢老孝順義節王親

巡侑之丙子又大酺鰥寡孤獨篤廢疾賜物有差州

郡縣亦依此例迨因國家多難饗礼久廢至是詔立

都監後遵舊制 乙酉幸將軍崔瑀第命牽龍擊毬

十一月辛丑遣鄭光習如金進方物林柱材賀正

庚戌設八閔會幸法王寺 庚寅金遣戶部侍郎郭  
邦來賀生辰

己五年春正月丁酉王聞金主崩遣奉慰使史洪紀祭  
奠使李淳中如金淳中請祭器于金有司不許淳中  
曰道途遼遠聞訃最晚騰裝速赴未暇費來大國何  
責人以細故而吝惜此器耶乃許之及祭奠具精腆  
金人嘉其至誠 辛丑金遣孫居寬來告喪 己酉  
王以神考忌辰道場如龍興寺 壬子幸法王寺

二月戊寅燃燈王如奉恩寺 甲申幸王輪寺 辛

卯行金國大安年號 二月丁酉移御柳井洞崔忠  
獻第 癸卯幸普濟寺 辛亥設消災道場于宣慶

殿 甲寅遣上將軍金元傑禮部侍郎房應喬如金

賀即位 辛酉慮囚 夏五月戊戌守太師門下侍

郎平章崔訛卒 六月癸亥朔日食 辛卯門下侍

郎平章事金鳳毛卒 辛亥幸法雲寺設仁王道場

庚申門下侍郎同中書門下平章事奇洪壽卒

冬十月丁卯幸妙通寺設摩利支天道場 丙子設

佛頂道場于內殿 十一月乙未還御延慶宮 己

亥遣閣下通事舍人徐延如金賀正 甲辰設八閔

會幸法王寺 金遣戶部侍郎幹勒正來 知叅知

事李椿老卒

庚六年春三月癸酉燃燈王如奉恩寺 丁亥幸王輪

寺 三月甲午幸普濟寺 夏四月己巳幸妙通寺  
設摩利支天道場 癸酉太史請核妖言 六月戊  
午王如奉恩寺 乙酉賜金泓等及第 金遣橫宣  
使移刺荅貞來 是月遣于龍奕如金賀萬春節宋  
孝誠謝賀生辰 秋七月丙午遣即將池方淑如金  
謝橫宣 八月壬申幸法雲寺設仁王道場 丙子  
幸外帝釋院 九月幸崔忠內史洞第留三日移御  
壽昌宮 冬十一月丁酉設八閔會幸法王寺  
壬寅金使來 十二月乙卯朔日食 是月詔明宗  
太子瑋于江華  
未辛 七年春正月癸巳封瑋守司空上柱國漢南公改名

貞令赴燃燈宴 閏月乙酉幸王輪寺 夏四月癸  
未冊元妃任氏為咸平宮主 辛卯太子社加元服  
受冊 乙未冊子禕檢校大尉守司徒上柱國始寧  
侯 丙午赦 五月金遣完顏惟孚來賀生辰王遣  
將軍金良器回謝良器至通州遇蒙古兵中矢而死  
下節九人亦遇害金收骨以送 六月辛巳朔王如  
奉恩寺 秋八月壬午幸王輪寺 癸巳門下侍郎  
平章事盧孝敦卒 九月丁卯門下侍郎平章事致  
仕崔讜卒 乙亥幸妙通寺 遣李孝全如金賀萬  
春節道梗而還 冬十月戊子賜姜昌瑞等及第  
十一月金遣權止文勝來賀生辰 壬戌設八閔會

幸法王寺 是月遣李實椿如金賀正道而還  
十二月庚子內侍王濬明等謀誅崔忠獻不克 癸  
卯忠獻廢王遷于江華縣尋遷紫鸞島太子祉于仁  
州奉漢南公貞立之高宗二十四年八月戊子王薨  
于法天精舍移殯于樂真宮在位七年壽五十七謚  
曰誠孝廟號貞宗後改熙宗陵曰碩陵高宗四十年  
加謚仁穆

史臣贊曰是時忠獻執國命已有年矣廣植黨與專  
擅威福熙宗雖欲有為何以哉為王之計當以正自  
處任賢使能王室自強雖有跋扈之臣無由肆其惡  
矣王不知此聽用輕薄之謀欲快一時之憤率見放

黜噫

康宗

康宗濬哲文烈亶聰明憲貽謀穆清元孝大王諱稹  
字大蕃一字法柱明宗長子母曰光靖太后金氏毅  
宗六年四月冊太子賜名璿二十七年九月崔忠獻  
放于江華熙宗六年十二月召還京明年正月封漢  
南公改名貞十二月癸卯忠獻<sub>廢</sub>熙宗奉王于私第即  
位于康安殿改名稹

軒

元年春正月己酉朔放朝賀 辛亥王子暎自安岳  
縣還京 乙卯設灌頂道場于宣慶殿 丙寅制登  
極之物例覃恩宥當于二月下旬擇吉頒赦西京及

諸路州牧進奉方物一皆除之 設延生經道于內  
殿三日 二月庚辰遣告奏使中書舍人李儀如金  
表曰伏見國王諤早傳先業恪守外藩忽嬰疾病以  
弥留溘致形骸之甚弱攻療無效顛仆是憂庶因脫  
釋于繁機姑欲保全于餘喘蓋由承稟臣仲父先國  
王臣暉遺囑以臣親則猶子理合承家如有遞更必  
先推與迺于前年十二月二十五日今臣權國事務  
而臣稟辭不獲已受亦難堪顧付界之非輕將籲呼  
而遙達然念黎元不可一日而無主社不可曠時  
而乏嗣勉副群情假司重寄跼天踏地實深隕越之  
懷剖心拆肝仰告端倪之實儻回淵聽眾荷鴻恩

壬辰燃燈王如奉恩寺 己亥御儀鳳樓赦 三月

庚申門下侍郎平章事任濡卒 夏四月辛巳以王

生日為光天節 乙巳李儀還自金詔曰朕惟爾國

世篤忠勤語意前王遽以病讓謂爾迺仲父之子而素

有象賢之稱徵遺訓于先臣俾攝行于機務已頒眷

詔特示矜從茲重閱于來章宜明諭于朕指其承恩

許益謹藩儀續當遣使冊命 五月追尊王妣懿靖

王后金氏為光靖太后 六月丙子朔王如奉恩寺

戊子賜田慶成等及第 庚寅王受菩薩戒于內

殿 秋七月辛酉金封冊使大理卿完顏惟基直學  
士張翰來 乙丑冊子暉為王太子加元服立府



丁卯遣戶部侍郎李實椿如金賀萬春節 壬申王  
受冊詔曰邇者前王乃以國讓謂卿賢淑祈受世封  
肆臨遣于使軺俾就加于錫命益思忠恪茂對寵光  
令差使明虎大將軍大理卿完顏惟基副使翰林直  
學士大中大夫張翰往彼冊命仍賜卿車服金印匹  
段弓箭鞍馬等物具如別錄冊曰朕操馭貴之資職  
代天之命凡預䟽榮之例必崇過厚之恩矧惟東藩  
謹乃候度頃屬受承之祭克敦揖讓之風載閱控章  
特從開許推高麗國事王稟性資愷悌學問淵源內  
推樂善之誠外蔚好賢之望稽之理命則有協假以  
政權則克勝使付囑者得稱知人傳授者果為有托

顧茲一舉豈非兩全是用正爾真封豐斯親渥於戲  
摠山海五部昇之茅杜加車服九命煥其旗章尚肩  
忠蓋之心益體寵綏之意勉修爾職祇服朕言可特  
授開府儀同三司上柱國高麗國王食邑一萬戶食  
實封一千戶仍令有司擇日備札冊命所賜象輅高  
十九尺廣化門高攬十五尺請裁損入門金使答曰  
象輅之制皆有定式不可增損乃掘闕地下去頂三  
輪挽入 八月丁亥設星變消災道場于內庭 遣  
使如金謝封冊賜物 冬十月癸酉朔行金崇慶元  
年 甲午冊王妃柳氏為延德宮主 乙未醮于內  
庭以禳星變 十一月丙辰設八閔會幸法王寺

十二月乙未以金元義奉知政事判禮部事崔洪胤  
為政堂文學鄭克溫守司空左僕射判三司事

酉癸

二年春正月癸卯朔放朝賀 二月乙酉燃燈王如

奉恩寺 三月甲子羅州地震 夏四月甲午謁智

陵 中書省勅秘書監李淳中掌南省試誤解試題

貶為南京副留守削進士籍 五月丙寅以旱再雩

六月辛未王如奉恩寺 甲申王受菩薩戒于內

殿以僧至謙為王師 秋七月壬寅賜許受等及第

八月癸酉王不豫丁丑詔曰朕以不類叨承大寶

于今數載德薄負重疾慚惟幾粵惟天位不可暫虛

太子暉德足以升聞于上明足以丕冒于下乃命以

位遺大投艱九爾百僚各職爾事以聽嗣王山陵制

度務先儉約易月之服三日而除是日有星大如日


見于乾方俄而墮地夜二鼓王薨于壽昌宮和平殿

在位二年壽六十二謚曰元孝廟號康宗陵曰厚陵

高宗四十年加謚明憲

史臣贊曰康宗在位之日凡所施為皆受制于強臣

遽懼疾病享國日淺悲夫



程